

Pada pendapat anda, mengapakah Akta Pendidikan 1996 begitu penting dalam perkembangan pendidikan di Malaysia. Bincangkan.

Pada pandangan saya bagaimana Akta Pendidikan 1996 begitu penting dalam perkembangan pendidikan di Malaysia mestilah kerana Akta Pendidikan 1996 merupakan teras utama yang menjadi panduan kepada sistem pendidikan di Malaysia. Sebelum Akta Pendidikan 1996 terdapat beberapa penyata pendidikan seperti Penyata Razak dan Penyata Rahman Talib. Namun setiap penyata pendidikan itu mempunyai kelemahan, dengan itu Akta Pendidikan 1996 diperkenalkan bagi memperbaiki kelemahan yang ada pada penyata sebelumnya. Akta Pendidikan 1996 ini digubal bertujuan untuk memperbaiki kelemahan daripada akta sebelum ini dan bertujuan untuk memajukan sistem pendidikan ke arah yang lebih baik lagi. Antara beberapa perkara yang digariskan dalam akta tersebut ialah mengutamakan ilmu pengetahuan kerana ilmu itu adalah penentu arah tujuan negara dan perkembangan pendidikan. Tujuan pendidikan adalah untuk membolehkan masyarakat Malaysia menguasai ilmu, kemahiran dan nilai murni yang diperlukan dalam dunia yang bersaing tinggi serta bersifat global, kesan daripada perkembangan pesat sains, teknologi dan maklumat.

Selain itu, Akta Pendidikan 1996 ini penting dalam perkembangan sistem pendidikan Malaysia kerana akta tersebut merupakan identiti Sistem Pendidikan di negara kita. Hal ini dikatakan demikian kerana, akta ini digubal dan diperkenalkan dengan berpaksikan kepada perakuan-perakuan utama Penyata Razak 1956 yang menjadi dasar pendidikan kebangsaan. Penyata Razak merupakan cadangan pendidikan yang ditulis pada tahun 1956 sebagai salah satu usaha bagi membentuk Persekutuan Tanah Melayu. Matlamatnya untuk membentuk semula sistem pendidikan Malaya dengan corak acuan tersendiri. Sebagai contoh perlaksanaan mengikut acuan Malaysia ialah membentuk satu sistem pendidikan kebangsaan yang bersesuaian dengan aspirasi menyatupadukan penduduk berbilang bangsa, menjadikan bahasa Melayu sebagai bahasa kebangsaan, menjaga perkembangan bahasa dan kebudayaan kaum lain serta banyak lagi. Namun walaupun, akta baharu diperkenalkan dalam sistem pendidikan Malaysia, tujuan utama dalam akta baharu masih sama dengan dasar pendidikan kebangsaan.

Akhirnya, Akta Pendidikan 1996 begitu penting dalam perkembangan pendidikan di Malaysia kerana dapat memelihara hak asasi kanak-kanak dalam pendidikan. Hal ini dikatakan demikian kerana sistem pendidikan kebangsaan telah dimantapkan dengan meliputi semua peringkat persekolahan iaitu dari peringkat prasekolah sehingga pendidikan tinggi. Selaras dengan hal ini, Kementerian Pendidikan Malaysia telah memastikan kadar penyertaan murid dengan cara meningkatkan program orientasi alam prasekolah untuk mengatasi masalah keciciran pelajar pada peringkat rendah. Bukan itu sahaja. Akta Pendidikan ini juga telah meningkatkan kadar penyertaan murid orang asli dan kumpulan etnik di pedalaman Sabah dan Sarawak. Bagi ibu bapa yang tidak menghantar anak-anak mereka ke sekolah akan dikenakan denda kerana mengabaikan hak anak-anak mereka. Namun yang demikian, sekiranya ibu bapa kurang berkemampuan untuk memberikan pendidikan yang terbaik untuk anak mereka, bantuan juga akan diberikan. Oleh itu, tiada murid yang akan tercicir dalam pelajaran kerana Akta Pendidikan 1996 ini digunakan bagi memastikan pendidikan di Malaysia berkembang dengan pesat.

Pada pendapat saya, Akta Pendidikan 1996 amat penting dalam perkembangan pendidikan di Malaysia adalah kerana dapat menjadi panduan ataupun rujukan dalam melaksanakan pendidikan secara tersusun. Hal ini kerana tujuan akta ini diwujudkan adalah untuk memperbaiki kelemahan yang terdapat dalam penyata pendidikan sebelum ini. Tambahan pula, Akta Pendidikan ini menggariskan bahawa ilmu pengetahuan harus diutamakan kerana akan menjadi penentu utama arah tujuan negara dan penyelamat bangsa. Selain itu, memantapkan sistem pendidikan kebangsaan bagi generasi muda sejajar dengan perubahan masa. Jelaslah Akta Pendidikan 1996 ini penting untuk dijadikan sebagai rujukan atau panduan agar dapat menjadikan Malaysia sebagai pusat kecemerlangan pendidikan yang bermutu tinggi.

Komentar,

Sebelum saya mulakan pendapat saya berdasarkan isi saudari, saya memohon maaf jika terdapat kesilapan kata atau ayat yang akan dinyatakan. Pada pendapat saya, Akta Pendidikan 1996 amat penting kerana ia menjadi panduan ataupun rujukan dalam melaksanakan pendidikan secara tersusun. Hal ini demikian kerana, Akta tersebut dapat menjadikan sistem pendidikan dapat dijalankan mengikut acuan sendiri. Selain itu, ia juga menjadi panduan bagi memperbaiki kekurangan yang terdapat dalam akta sebelumnya. Oleh itu, pernyataan isi yang saudari nyatakan amat sesuai untuk dijadikan sebab dan kenapa Akta 1996 penting kepada sistem pendidikan di Malaysia.

Akta pendidikan 1996 begitu penting dalam perkembangan pendidikan di Malaysia adalah kerana sejajar dengan penumpuan terhadap usaha membudayakan pendidikan sains dan teknologi, pendidikan teknik akan dipertingkatkan di sekolah menengah teknik dan politeknik. Akta Pendidikan 1996 memudahkan sekolah vokasional ditukartarafkan ke sekolah teknik, manakala politeknik boleh mengadakan program kerjasama dengan mana-mana institusi, perbadanan atau organisasi perindustrian untuk mengendalikan kursus teknik atau vokasional atau program latihan, termasuk program pertukaran. Politeknik juga boleh mengadakan program bekembar bagi kursus peringkat diploma dan ijazah dengan institusi-institusi pendidikan tinggi, sama ada dalam negeri atau luar negeri.

Komentar,

Sebelum saya mulakan pendapat saya berdasarkan isi saudari, saya memohon maaf jika terdapat kesilapan kata atau ayat yang akan dinyatakan. Pada pendapat saya, Akta Pendidikan 1996 menjadi penting kepada sistem pendidikan kerana ia sejajar dengan penumpuan terhadap usaha membudayakan pendidikan sains dan teknologi, pendidikan teknik akan dipertingkatkan di sekolah menengah teknik dan politeknik. Hal ini kerana disebabkan Revolusi Industri 4.0 yang telah dilaksanakan di seluruh dunia. Perkara ini menjadikan setiap negara perlu meningkatkan pelbagai sistem bagi perkembangan negara dapat sejajar dengan revolusi tersebut.